

# THE SECOND EPISTLE OF JOHN

<sup>1</sup> Shíí, ínashood básízíni, isdzán Bik'ehgo'ihí'nań bita'hazlaahíí, bichagháshé bílgo bich'í' k'e'eshchii, áí da'aníigo shíł daanzhóq, doo shí zhá da, nnee da'anii ágot'eehíí yídaagołsiníí dawa ałdó'; <sup>2</sup> Da'anii ágot'eehíí nohwííí biyi' golííhíí bighą k'e'eshchii, áí da'anii ágot'eehíí dahazhí' nohwił nlii doleeł. <sup>3</sup> Bik'ehgo'ihí'nań nohwiTaa ła'íí Jesus Christ nohweBik'ehń, nohwiTaa biYe' nlíni, bits'ą'dí' aatét'íi ła'íí ilch'í'gont'ééhíí bee nohwich'í' goz'ąą le', da'anii ágot'eehíí ła'íí il'ijóóníi bílgo. <sup>4</sup> Nichagháshé ła', nohwiTaa nohwá ngon'ąąhíí k'ehgo da'anii ágot'eehíí yikísk'eh hikahgo baa niyááhíí bighą shíł gozhóq. <sup>5</sup> Shilah, begoz'aaníí doo áníidéhi bee nich'í' k'e'eshchii da, áídá' yati' baa gozhóni dantsé daadesiits'ąądá' bee nohwá ngot'ąą n'íí, baa nánoshkąąh, díńko, Łil daanjóq le'. <sup>6</sup> Díí bee nohwił'ijóóníí bígózł, Bik'ehgo'ihí'nań yegos'aaníí bikísk'eh hiikahyúgo. Díńko begoz'áni, Bił'ijóóníí biyi'zhí'go hohkah le', dantsé daadesots'ąą n'íí k'ehgo. <sup>7</sup> K'izé'idilteehíí ląągo ni'goszdzán biká'yú daadeskai, áí Jesus Christ nnee k'ehgo nyáá, doo nii da. Hadín doo áńíí dahíí k'izé'idilteehíí ła'íí Christ bich'í' ngonłkaadíí át'éé. <sup>8</sup> Ídaa daagonohdząą, nohwitahyú nada'siidziidíí doo da'ílíí daanoł'íi da doleełgo, áídá' áí bighą nohwich'í' nahi'ńííł doleeł. <sup>9</sup> Dahadín, ilch'ígonsh'aah, niidá', Christ ánííyú doo áńíí dayúgo, Bik'ehgo'ihí'nań doo bił nlii da. Áídá' dahadín Christ ánííyú ánííhíí nohwiTaa hik'e biYe' bílgo yił nlíni at'éé. <sup>10</sup> Hadín nohwaa nyáágo díí ilch'ígot'aahíí doo yee nohwich'í' yati' dayúgo, nohwigową yune' nohwił ha'áowáh hela', doo k'ébiłdohnii da: <sup>11</sup> Hadín k'eyiłńihíí nchógo na'iziidíí yich'oníhi at'éé. <sup>12</sup> Ląągo nohwich'í' k'e'eshchii hasht'íi ndihíí doo naltsoos biká' ła'íí bek'e'echíhé bee nohwich'í' k'e'eshchii hasht'íi da, ndi nohwaa nsháhgo daakiit'íigo ilch'í' yádaahiilt'íí zhá hasht'íi, áík'ehgo zhá dawa bee nohwił daagozhóq doleeł. <sup>13</sup> Nídee Bik'ehgo'ihí'nań bita'hazlaahíí bichagháshé, Gozhóq, daaniłńii. Doleełgo at'éé.